

溫如侯小史

侯姓阮諱嘉瑤達武侯阮嘉瑤長子也公以戚晚之親母是瓊蓮公主諱玉琦齊祖女也五歲奉入內養景興十三年

壬申在越安縣公十二歲奉侍稱旨三月奉賞祿田十畝在越安縣至十五歲再加頒田十畝在越安縣景興

二十年已卯公年十九歲以侍內日久奉頒出身校尉管中馬左隊景興二十二年辛巳扈駕親征

成賊有功陞校尉易管侍衛侍侯右震柱隊景興二十四年癸未十一月陞指揮僉事指揮使司易

管侍侯澤右船丁亥年奉侍厥衛回清華處陞指揮同知庚寅年扈駕回鑾辛卯年陞總兵同知職

侯爵甲午年公意不樂於功名以兵務廢欠閒居西湖公天資穎慧少從弓劍長好琴書善占乾

象雖生長富貴然性高雅幽妙樂於閒散以仙釋趣為高自號曰禧宗子又曰如意禪琴棋詩畫聲

律無不精曉又長於歌讚如楚辭調山中音等格尤所聞創國語之作古今獨步其立意尖新而深

奧其措辭絕妙而奇古如四齋集微渺門道句云「晝夜溟茫船浩劫古今變莫網玄機」西湖詩集

序景景篇夜章句云「陵固創肢空劍氣遷羣調遷歇玄機」又微渺門經句云「明朝意驚嘆天地

盛世羅番吶聖賢」又難稱詩情句云「鬪猫山塞命吳楚嗜狂林村眼越胡」如此句意多有不能

解者又當今所傳誦者「籀茄成婦涓黃葉頭馭行人邊夕陽」又聞蝦蟆聲章詩云「蠻莫景兜外

萬跋冰傾事仍余寡辭」類此最多不能盡述舊有傳誦句云「帳邊蘿紈侯悶用壁霜雁颺拱蒙

叫」此乃公二十歲時秋景偶作之詩也居西湖時自號曰心詩院子又曰搜真常與四齋迭相吟

詠四齋推號曰詩原有詩印詩尺詩琴詩鑰之號又與當時名士枚池池陳先生尊而氏范相公等結

為詩友又與忠侯公官長子武必任造士鄭琮造士阮彩結為四靈酒友日以詩酒自樂范公贈詩

温如侯小史

卅八

有句云「君居南越屋西湖。詩酒昂藏好丈夫。」一日公與酒友痛飲沈醉。大家驚訝各以其事互來叩請。公終不答。及親弟第三郎和齋。試以醉中吟詩請題。公忽醉中讀出一句云「醜意。杏油。醜。上古辰之固沒。李先生。」自此醒覺。衆喜皆曰「真心詩公也。」經六七年間。作前詩集。凡千餘章。已亥年上親幸其第。賜號山水人花。奉賜御衣一副。眷注殊恩。人所莫及。庚子年陞都指揮使管侍侯侍前步號。奉頒回居南門故宅。監造仙迹寺塔。己酉後公至此。見前光景蕭然。只有一塔單立。甌湖之側。公喟然有詩曰「蹲孤玉塔節曾銖。酬朗甌湖情沒。」見後集因修造本居景致。築土山。樹奇木。立行宮。凡七處。上每泛龍舟玩賞。常稱之曰「有如漁父入桃源之况。」奉頒入侍六宮。景致後又進嵩山圖。奉得獎賞無算。至壬寅年。易管前勝奇陞。四次校點司。左校點職。欽差興化處留守。先是伊鎮輔導岑氏兄弟。據下路。負固不臣。謀圖不軌。又有名廷立。乃逆質餘類。占據寧邊。不供貢稅。又十州土民。盡入內地。爲清土官所霸占。前次鎮官不能擒制。朝廷宵旰。亦難其人。仍命公當此任。便宜措置邊防。公甫赴鎮。卽差親弟瓚。武伯嘉。瓚將兵前往寧邊。招諭宣示。朝廷威德。告以順逆之理。彼卽畏威降服。又差手下諧武瓚。伯往諭各州。並往來移咨。與內地官具得情實。服得十州之地。是時有奉差本處探訪使官胡士棟。贈詩云。

見說藍田產碧瑤。將門從古出英流。七書機略存家訓。千里藩翰荷國休。

况是銀潢流別派。正惟肉食審良謀。十州次第將輸款。闔外雍容著茂猷。

是年九月。又差親弟管左勁。船瑜嶺侯嘉釗。提兵進討岑氏于下路。一戰而克。下路卽平。是月聖祖上賓。十二月兵變。端南王正位。旨頒抽回奉侍。易管別管。閑居數年。至丙午。有六月之變。七月上皇

崩。昭統皇帝即位。欽頒管二象奇提領四城軍務陞提領職。八月日奉旨兼行密察內城。又欽管前  
 匡奇兼六奇。左右前後象侍中後侍中前。監守塢門。丁未年易管侍前五水號。戊申年拾二月昭統帝復國。欽頒管十  
 八糧場事務。至己酉年兩遭變故。即韜晦居兌方。有詩云。一羣怪九迴。日月望澄雙眼。鄒山河。庚  
 戌年九月避居興化處。由有親弟瑜嶺侯攜來。辛亥年三月西山四下搜索無處可栖。不獲已托以老病携杖赴  
 北城。他誘之以甘言。餌之以好爵。公終不屈。因此任情放蕩。以酒自狂。丁巳年他知其志不可奪。不  
 強致之。仍放歸田里。其留誘親故有詩云。

翹。昧。蹢。蹢。蹢。蹢。明。察。才。拯。敢。濫。功。名。癘。身。據。擢。虺。辰。命。領。迹。恆。姪。准。市。城。

至戊午年壽終。有前後詩集行于世。葬懷德府永順縣瑞璋社婆黎寨。

公原京北處順安府超類縣柳林總柳溪社柳岸社人。柳岸原古蓼渚社。又有柳渚社或者蓼渚社之分。公以辛酉年

(景興二年 1711) 二月初六日丑時生。戊午年 (景盛六年 1798) 五月初九日午時終。壽五十有八。

公弟為玩忠侯嘉璣。瓚忠侯嘉琰。泗溪伯嘉瑀。瑜嶺侯嘉釗。清溪伯嘉演。其第三妹曰阮氏恭。出家  
 為安隴縣大悲寺繡金剛經錦字為禪門寶。其四妹為阮氏愿。嫁仙田珣忠侯阮條。乃阮侃之弟也。

陳名案有贈公詩云

悠悠白雲徑。擾擾紅塵陌。今世見韓詮。塵中有李白。酒趣入聖賢。詩聲譜金石。語有烟霞氣。門無  
 車馬跡。左懸一張琴。右置三篇易。處境却忘境。似釋亦非釋。嘉君見識高。笑我吟腸窄。陶然一醉  
 去。歸來醒後知。為何處客。

# 北使佳話

## 莫挺之事跡

莫挺之至靈瀧洞人。世傳其母常往採薪。爲雄猴所脅。歸語其夫。夫遂衣婦人衣。懷刀往焉。猴狃故態。夫提刀擊殺。晨往視之。見土虫已將猴尸填一堆。母尋受胎。期年生公。姿相卑陋。人以爲猴精之驗。其父壽終。遺言葬于猴墳之上。蓋亦默會天機故也。其後公沒。附葬其下。今猶存焉。公生而穎異。資稟過人。英宗興隆十二年。試天下士。賜狀元登第。時上以公資質淺陋。不欲與狀元。公作玉井賦。以自况。蓋謂蓮在井中。雖卑而可貴。上覺悔之。遂置上第。公常奉北使至諒山。見山水吟國語詩云。頭嶽落樂。噉堆燕。柘春升。余隻船。至關風雨愆期。元人不開。寫對句云。一過關遲。關閉願過客。過關一公應之曰。一出對易對對難。願先生先對。元人乃賜進。至燕京住公館。一日宰相召公入侍。府有幕帳繡黃雀棲竹枝上。公意其真雀。疾就捕之。元人笑其陋。公曳而裂之。曰。竹君子雀小人也。今使小人居君子之上。請爲聖朝除之。及進朝。適有外國來進扇者。元主命各使製扇銘。高麗先就題曰。一蘊隆冲。冲伊尹。周公雨雪。凄伯夷。叔齊。一公未定體。望見他筆知之。乃濡筆而題曰。一流金燦石天地爲爐。汝於斯時兮。伊周巨儒。朔風其涼。雨雪載塗。汝於斯時兮。夷齊餓夫。噫。用之則行。舍之則藏。唯我與爾有是夫。一進呈。元主圈噫句以下。以公第一。封兩國狀元。而高麗使次之。高麗使乃自刎而死。公之在北使也。元主重其才。隨出隨對。不能盡述。如公與北人遇于途。公乘驢。觸其馬。北人誦之曰。一觸我騎馬。東夷之人也。西夷之人也。一公應之曰。一過予乘驢。南方之疆。歟。北方之疆。歟。一公入北寺茶飲。北人出句對云。一杞已木。栢否木。如何以杞爲栢。公應云。僧曾人佛。佛人云。何以

僧事。佛又出對云。魍魎。魍魎。四小鬼。應曰。琴瑟琵琶。八大王。見鳥鳴。北人云。鳩叫。牆頭談魯論。知為知。不知為不知。是知公應云。蝸藏井底。讀鄒書。獨樂樂。與眾樂樂。孰樂。又日夕月出。北人云。日火雲烟。白且燒殘。玉兔公應云。月弓星彈。黃昏射落金烏。元人批云。後世子孫必有篡弑得國。又酒後鳥鳴。北人云。嶺頂鳥鳴。酪酏。丁停靜聽。公云。山間雁喚。汗漫漢伴閒看。高麗使對云。池涓鯉戲。旒旂子倚籬窺。又夜入驛館。北人云。安去女。以豕為家。對云。囚出人入。王成國。元人批云。子孫必有國者。但嫌單字享國不長。又十口心思。思國思家。思父母。對云。寸身言謝。謝天謝地。謝君王。又一句步過小橋。北人云。干木橫渠。陸賈相如。似道。公指驛亭。假山應曰。大庭安石。望之欽若。太巔。又一日。元國有祭長公主。命公讀祭文。及就跪讀。但見祭文有四。二一字。公即以意演之曰。青天一朶雲。洪爐一點雪。上苑一枝花。長安一片月。噫。雲散雪消。花殘月缺。元人大驚服。公居官清潔。後來脫軒詠之曰。第一魁元。早致身居官。不改舊清貧。扇銘增重。燕臺譽使節。方知國有人。公之子祝官。至員外郎。孫迪遠。遂皆有勢力。共排列貴顯。遂子孫移居渚河廣溪。三世又移居宜陽古齋。生莫太祖。登庸。乃公七世孫也。

阮忠彥

阮忠彥。天施土黃人。以神童名。登第時年十六。奉北使。仕至內大行謹。又兼樞密院事。入侍經筵。柱國加申國公。號介軒。常有自負詩曰。介軒先生。廊廟器。少齡已有吞牛志。年方十二。太學生。纔登十六。充庭試。二十有四。入諫官。二十有六。燕京使。

胡宗鸞

胡宗鸞。濱州土城縣人。居屋唐豪無礙社。初為宣撫使。有侵民者。藝宗詰之。公謝曰。一子受皇恩。全

北使佳話

北使佳話

家食天祿。帝厚之。以爲翰林學士。後奉北使。經項羽祠。題詩云。百二山河起劍鋒。携將子弟入關中。烟消函谷珠宮冷。雪散鴻門玉斗空。一敗有天亡澤左。重來無地到江東。經營五載成何事。消得區區。堊魯公。夜夢見項羽。遣使對話。

## 黎光賁

光賁。慕澤人。黎鼎之子。黎鼎之姪。公五歲。人號神童。二十三歲。奉北使。凡十九年。公奉使時。被中使假作金銀潛易貢品之原物。明人惡其無禮。乃錮於金陵獄。以蛤蜊壳覆公兩目。以漆粘之。謂曰。羝乳馬角。方有還期。公常於冬天臥暴於日下。明人問故。公曰。我爆胸中經史笥。明人使讀大學演義。公讀之。不差一字。明人奇之。去粘目。時舉人鄧洪震者。與公之從人申克壳爲友。見公學問優長。入門受業。已未科。洪震中進士。累升主事。因念其師久留客地。具疏奏聞于朝。明帝始放公還。後公仕莫至吏部尙書蘇川侯。

## 甲海

公之母文江。公論人。築室道旁。賣漿待客。有北客寓此。遺棄銀囊而去。約半月餘。客復惶恐來問。母付還。客人願以吉地酬恩。葬了。囑曰。後見人有急亂。當用心救之。必獲吉地。纔一年。有鉢場社人爲人賃借。忽一夜雨。其人冒寒而來。幾不能言。叩門求宿。母問所從來。其人具道所以。母卽燎火燎之。其人苦寒。家有一席以覆。母亦苦寒。因同席覆。遂與之通。其人寒濕遇房。須臾氣絕。母大驚。乃曳出廬後。葬之。不意身已受孕。數月。客來問。已救得其人否。母以寔告。客曰。願看葬處。乃引就這所。客曰。天塋地吉。居期生男。四五歲。遊于江渚。適有鳳眼鄴。蘄商人見而竊之。母尋不見。無可奈何。至莫戊。

辰科公試中狀元。迨榮歸日。邑人供役煩勞。相與私語曰。何處到此勞我村人。公聞之大疑。因質諸耆老。有吐實以告。公卽到公論社。見一老婦探問端的。攜歸養之。公足有赤痣。母見之注視不轉。其家人責之。母曰。我前生一子。亦這模樣。今見尊體酷似。故不覺熟視。家奴以此言達于公。公乃嘆曰。一生皆浪度。自是遂晨昏奉養焉。

明將以萍詩遺莫主。莫主遣公賡原韻以復之。伯溫得之。知其不可伐。乃班師。公提調山南。公出險題。士子幾有不測。時察得起釁人。馳出場門行法。這人以獨丁哀訴。乞贖錢千緡。公不許。既而公子甲。豐戊辰進士。年三十餘而卒。公之四男二女俱沒。有一道人精於術法。公命求之。道人請公閉目書符念咒。須臾公見使者引至一所。牆宇嚴邃。內有朱楛在焉。公問於閻者曰。是閻王治獄之所。其旁朱楛以待鄧蘄狀元。公聞言疾出。至一所見涼庭翠閣。甲豐在伊處望公來。舉目視之。官人曰。公與伊人相識。豐曰。某前寄在伊家三十餘年。柰伊殺非辜。遽羅惡報。故不肯住。今適見來不能忘情。公聽言。不顧而去。使引公回。死已半日。後公賜被殺家銀錢。以解冤。自是公家無恙。公以年八十壽終。從來嘉林縣先賢祠宇著公典祀。迨進士阮盛以公鄧蘄人。且仕莫。遂去從祀例。夜夢見公來謂曰。我何辜而削我名。母乃晚生凌蔑前輩。果然必有以相報。盛大驚而止。

附明將萍詩

隨田逐水冒秧針。到此看來植不深。  
空有本根空有幹。敢生枝葉敢生心。  
徒知聚處寧知散。但識浮時那識沉。  
大抵中天風惡氣。掃歸湖海更難尋。

北使佳話

公復詩

錦鱗密勿不容針。帶甲連根不計深。  
 千重浪打誠難破。萬陣風吹永不沉。  
 後公致仕留東在朝詩云。徒然玩愒歷霜星。  
 常與白雲爭水面。多少魚龍藏裏底。  
 肯教紅日照波心。太公無計下鉤尋。

一德罔居殷相疏。四留不盡宋參銘。  
 五世于斯弼聖明。撐扶敢語擎天力。  
 喬松歲月華勳旦。象太平身亦太平。

留謝同轡詩

意直愚衷愧不才。明時得謝免朝差。  
 恩下接承知有幸。情深慶賜感無涯。  
 漢都供帳冠簪耀。唐律箋錦玉佳。  
 太原康濟攄賢力。田野閒年享福偕。

黎如虎

黎如虎仙侶仙洲人。莫慶和進士。公身長五尺五寸。素善飯。父母常食七歲塢。出為善岸社富翁。贅食五歲塢。輒嗜臥廢學。富翁問諸公。父曰。我家每食七歲塢。今如此。其不學固宜。富翁自此加倍。公始讀書數聲。其岳母曰。只要善食。勉食何為。翁曰。他食兼人。必有兼人之力。母曰。我有田草。既燕試使他刈。公聞之。次日早。公取大刀。出榕樹假下睡。岳母行市回。猶然打睡在樹下。因攜翁往視之。不意岳母乍歸家。公已就田刈草。頃間數畝燕草殆盡。魚走不及者亂浮而死。公收穫太多。後穀熟時。岳母使公傭穫夫。而母自在家炊熟二十歲鍋飯。飯整了。公回詐謂無人肯行。即將這鍋取出。食盡。岳母怪曰。不幾脹破那腹耶。公曰。銜艾之事。某請自當。遂取苗芽一大段為槓。并大繩以往。纔半

日穫了二畝。束爲四擔而歸。至是科中。同科有弘化勃泰人阮清者。與公共語家計。公戲曰。公之家資僅支我一頓耳。清曰。請滿三月。公曰。暫計一頓。何如。清遂約某月時臨。至是公帶從僕一名詣清家所。不意是日清因緊急事他適。公使達辭于清夫人曰。我與兄是舊遊。茲因公事往過。有隨從三十餘人。煩許一頓。夫人卽使家人造十歲鍋飯者三。併食物六盤。整了進之。公伴謂僕者曰。爾急喚諸從者來。既而不見一人。公就取飯鍋併食物吃了。因辭去。迨暮清回。夫人具以告。且曰。不知是人。是怪。清曰。必仙洲人矣。後清詣公話舊。公使家人整熟肥猪及炊盤四。清只喫猪炊得一角。公喫盡熟炊猪盤二。又清之所餘者一齊喫盡。清驚曰。慕澤公若與公同時當避三舍。後奉北使。北人聞其善食。爲作一具十八層。召公赴宴。架梯而食。公食了一層。取鉢擲下。又吃了一層。至最後層見人頭。公以二箸穿其兩目而高揭。喚從者曰。今皇上賜食北人頭。汝取鹽來我食之。蓋此乃人魚之頭。故以此怵公。今見公不怵。卽令挈去。又見公有侵犯之語。尋以他事漆公兩目。使人曳之。自宴處而之他處者二。三日忽復引宴處。因問公曰。知爲何處否。公已熟記。卽應曰。此前日宴處也。遂赦。時中國被旱。命諸國陪臣密禱。公知天未雨。奏曰。臣小國乞後。已而祈皆不應。皇上命之。公奏曰。臣有從人學得武侯呼風喚雨法。皇上命召之。從人曰。須擇吉日方可。乃潛觀於木根。見已脫白。鷄草頭已點白。卽設壇禱之。果雨。皇上稱賞。封從者爲兩國師。公爲兩國尙書。公善於辭命。應對名聞北朝。皇帝使教皇子。公不敢違。奏請創一堂。具鞭撻。皇子少有過。輒加笞楚。謂之曰。先學禮後學文。皇后酷愛其子。奏擇他人。公以是歸國。

(文苑) 夢洋詩集

文苑

▲夢洋詩集 (續) 何芳澤遺草

●示同舟潘契台

不見滄海。大安知造化。深波濤。觀水性。憂患識  
 人心。水哉水哉。逝不息。人生有情。豈終極。天教  
 君我此同舟。少壯馳名各南北。南北紛然陌上  
 塵。幾聞病客作波臣。一名爲累。乃至此。或者當  
 是前世因。前因不可知。今生重聲氣。彊予餐飯  
 感君心。讀子詩歌。彊我意。我意與君同。靈犀一  
 點通。無盡滄洲千古月。有緣滕閣一帆風。風帆  
 天幸酬初願。此心正有彊爲善。天高海濶共悠  
 悠。意氣相期在久遠。

★風便

有旨威鳳船。前往檳榔嶼。何哉一月餘。事勢多  
 阻滯。逡巡歲華更。仍在瀚江渚。風色與人情。臨  
 風若猶豫。一朝代奮鵬。向江流波去。快哉迎疾

風船發不可禦。水開船如飛。儼然風翅舉。舟師  
 競歡呼。病客亦笑語。當風立船頭。天水濶如許。  
 彼此均洋程。行止是誰使。或者船有靈。樂從此  
 地駛。此地多石礁。未夏已炎暑。丁香四月開。瘴  
 盛不堪處。凡人多自危。如何乃樂此。吾命乃在  
 天。臣心敢擇事。忠信以自持。風波非所慮。鳳兮  
 比吉人。萬里仁。鸞翥憑風送。我回醜酒以謝汝。

○舟中

乘槎猶記漢張騫。心眼俱新對海天。鏡裡乾坤  
 舟似葉。壺中日月夜如年。薄懲敢說風霜苦。厚  
 福還邀造化憐。一片閒雲無住著。春風吹去又  
 吹旋。

◎和讀大悲經

徑寸摩尼落靜塘。幾餘千丈放毫光。月臨玉宇  
 隨綠照。蓮發金爐滿地香。祇樹可能團慧菓。楊  
 枝早爲灑新涼。禪機點醒知何處。春草淒淒天  
 一方。

漫成

舟中多畜雞犬。每夜聞聲竊懷忽動。

桑蓬曾。是到仙。陬。又逐長風作海遊。半枕波濤醒。旅夢扁舟天地蕩。春愁五更月落聞鷄犬。萬頃雲晴認斗牛。病骨有緣新換骨。未能駕鶴且隨鷗。

沙崗晚眺

晚步沙崗酒正醺。刺桐花下起鷗羣。天涯芳草空春色。澤國孤帆半夕曛。村落微微凹處隱。煙波漠漠靜中分。乘風直至飄然處。目極蓬萊五色雲。

元宵

當年元夕瀛洲放火樹

動思今夕是元宵。隔岸禪鐘間暮潮。夢裡忽來如意事。瀛洲燈下邇鈞韶。

海行

針盤惟恐錯毫分。海帕深深日易曛。山遠儘無飛渡鳥。水孤特有惹來雲。坐涼月色新相照。眠

(文苑) 夢洋詩集

穩濤聲久慣聞。前路莫愁知己少。天涯舊識有東君。

★抵新嘉坡

原屬閩婆。今為英所伯占作會同之所。所居二三層磚樓。官兵僅數百人。而閩婆為其役使。清客亦為所用。蓋主人善以利誘勢脅故也。

纔認地盤山。又過東西笠。沙樹遙可指。岡巒遞相屬。晚泊白石港。明發新嘉波。伯占屬咭喇。羈棲在閩婆。海埠亦桑滄。洋番多詭異。黑鬼與白人。大抵趨于利。世路若微塵。世故日以新。舟車前未到。載籍古無聞。來者復為誰。逝者長如此。滔滔未肯休。茫茫更何許。江流波一路。春風往復回。玉關重入幸。誰敢說蓬萊。

●記遊

舟航千里通高地。磚瓦層樓殖貨天。綺靡誰非洋造物。繽紛半屬北來船。無窮宇宙開新眼。隨處江山認夙緣。興到不知身是我。軟塵遍踏濯清泉。

漫吟

(文苑) 步洋詩集

望望明河有路通。長安遙向日邊紅。山留鴻爪  
雲隨履。水浸鯨波月掛蓬。春去春來芳草浦。誰  
非誰是落花風。記遊莫怪無佳句。已謝詩翁伴  
海翁。

感懷

十年曾理筆。一病獨登舟。海水飛還立。春雲去  
復留。身事年猶少。皇恩此遠遊。江湖人未慣。力  
薄不禁愁。

★觀音山

觀音自在觀音山。東西兩笠迴波瀾。何年觀音  
此經過。長留遺跡渺茫間。雲飛曉暎湧金蓮。樹  
木參差擎翠蓋。天風吹起海潮音。塵外別成一  
世界。亦有馬鞍與將軍。儼然護法金剛神。又有  
龍牙與龜嶼。遙遙拱護依法輪。岡巒一下復一  
上。十八羅漢互環向。陸離白石港門通。放出毫  
光幾千丈。山自蒼蒼水自流。我前我後幾經周。

何年命名何取意。中有何人禪定否。如此風流  
真不易。來往滔滔名利累。千秋濟渡仰慈航。鷺  
嶺陀山何處是。烟水微茫不可窮。現前了悟即  
圓通。何天不有清涼國。何地不有兜率宮。扁舟  
一葉凌風露。驚鷓多情依樾樹。有相關處漫成  
吟。如來聊誌西行路。

◎感懷二律

向斗槎初泛。紉香佩尙新。君恩曾逮母。臣罪敢  
尤人。海濶孤蓬月。天晴萬木春。倚閭添白髮。夢  
覺一霑巾。

○戲作無題

碧沙窗下淚偷垂。欵衽低聲訂會期。阿母莫須  
嗔。宴起夜深拜月有誰知。  
新歡無奈別離何。黯黯春愁損翠蛾。不是紅顏  
成薄命。受恩深處誤人多。